

أسئلة وأجوبة على التسجيل في المعهد الثقافي الإيطالي بالرباط

سؤال: واش القرايا في المعهد الثقافي الإيطالي غادي تكون حضوري أولا عند بعد؟

دروس اللغة الإيطالية في المعهد غادين إكونو عن بعد في انترنت. راكم عارفين الوباء ديال كورونا خاص الواحد ارد بالو والتجمع ممكن اساهما في تفشي هذا الفيروس. إذن، وإلى اشعار آخر، الدروس غادين اكونو عن بعد .

سؤال: أنا قاري الإيطالية وماشي في المعهد أشنو خاصني ندير؟

بالنسبة للناس اللي قراو الإيطالية من قبل يا في الثانوية او في شي مدرسة أولا في الدار: المهم اللي عندهم معرفة مسبقة باللغة الإيطالية خاصهم اتصلو بالمعهد وياخذو موعد باش ادوزو امتحان عن بعد باش اعرفوا فاش من مستوى خاصهم اسجلوهم.

سؤال: كيفاش إذن غادي نديروا التسجيل؟

بما أن الدراسة غادي تكون عن بعد او باش نحافظو على سلامة الطلبة من فيروس كورونا، فراه حتى التسجيل غادي إكون عن بعد .

أول حاجة خاصك تأخذ من موقع ديال المعهد واحد المطبوع وتعمروه بالمعلومات الشخصية و تختارو التوقيت اللي كايناسبكم و بطبيعة الحال ضروري تقراوه مزيان وتسينيوه و من بعد خاصكم تتسخوه (scan) هو والبطاقة الوطنية ديالكم وتصيفطوهم للايميل ديال المعهد biblioteca.iicarabat@esteri.it

من بعد غادين اجوابكم إذا كان لقاو لكم بلاصة في التوقيت اللي طلبتو.

إذا كانت الأمور مزيانة خاصكم تخلصو في البنك. غادي تمشيو لأي وكالة بنكية ديال مصرف المغرب وديو معاكم الرقم ديال الحساب ديال المعهد الإيطالي اللي هو

(Banque : CREDIT DU MAROC, RIB :021 810 0000 035 005 40110 7 40)

خاصك تخلص 2000 درهم و200 درهم في نفس الحساب

- 2000 درهم ديال الدروس
- 200 درهم ديال لوازم الدروس

الموظف اللي في البنك خاصو اعطيكم 2 ديال التواصل باللي خلصتو مصاريف التسجيل بالمعهد .

رد بالك ماخصكش تخلص في البنك بلا موافقة المعهد حيث مايمكنش للمعهد ارجع لك الفلوس .

سؤال: أشنو ندير بالتواصل؟

باش تقاد مزيان التسجيل ديالك خاصك تمشي للمعهد الثقافي وتدي معاك:

1. صورتان ديالك
2. المطبوع اللي كنت خديتي وعمرته و سينتيه وصيفطيه للمعهد في الاول
3. نسخة من البطاقة الوطنية
4. التواصل ديال الخلاص اللي خديتي من البنك

سؤال: وقتاش غادي اسالي التسجيل في المعهد؟

التسجيل ديال الطلبة الجداد (بما فيهم الطلبة اللي غادين ادوزوا امتحان الدخول واتقبلوا إقراو في مستوى B1) غادي إكون من 5 حتى لـ 22 أكتوبر 2020.

سؤال: وقتاش غادي تبدا القرايا عن بعد؟

القرايا غادي تبدا نهار الاثنين 2 نونبر. والتوقيت غادين تعرفوه نهار تجيبو الوثائق للمعهد. حيث ممكن إعطيوكم وصل ديال التسجيل النهائي والبطاقة ديال المعهد وغادين تلقاو فيهم التوقيت دياكم

سؤال: شحال ديال الساعات عندنا في الاسبوع؟

غادي إكون عندكم 4 ساعات ونصف في الاسبوع.

سؤال: كيفاش غادين نقراو عن بعد؟

الدروس غادين اكونو في برنامج Zoom. المعهد غادي اصيفط لكم invitation باش دخلو للقسم دياكم الافتراضي. ومن بعد غادين تواصلو مع الأستاذ دياكم.

سؤال: شحال من دورة كاينة في العام؟

العام فيه 4 ديال الدورات. كل دورة فيها 8 أسابيع.

1. الدورة الأولى من 2 نونبر 2020 حتى لـ 24 دجنبر 2020.
2. الدورة الثانية من 4 يناير إلى 25 فبراير 2021
3. الدورة الثالثة من 8 مارس إلى 29 أبريل 2021
4. الدورة الرابعة من 3 ماي إلى 30 يونيو 2021

فالاخر ديال الدورة الثانية والدورة الرابعة كاينين امتحانات.

سؤال: هاد الامتحانات غادين إكونو حتا هما في انترنيت؟

بالنسبة للأقسام الجداد الامتحانات غادين اكونو عن بعد: امتحان في نهاية المستوى A1 والثاني في نهاية A2. بالنسبة لمستوى B2 الامتحان غادي أكون حضوري. غادين تعرفو التفاصيل من الأستاذ دياكم.

سؤال: وقتاش غادين إكون التسجيل في الدورات الجاية؟

التسجيل في الدورات الجالية بها الشكل:

- الدورة الثانية التسجيل من 4 حتى لـ 8 يناير 2021.
- الدورة الثالثة التسجيل من 1 حتى لـ 5 مارس 2021
- الدورة الرابعة التسجيل من 26 حتى 30 أبريل 2021

